



Marcas e sinais sendeiristas no percorrido



Sinal de continuidade, que indica o camiño correcto.



Dirección trabucada. Indica que o camiño non se debe coller.



Cambio de dirección. Indica un xiro á dereita ou á esquerda no sentido da marcha.



Sinal nunha derivación, é dicir un camiño de ida e volta dende a ruta principal.



Baliza, que permite identificar o tipo e o número do sendeiro.



A ruta de Adro Vello percorre un lugar que abrangue dende a Galicia rural, ata praias de augas cristalinas e de area fina e branca, pasando por antigas fábricas de salga, ou polos achados arqueolóxicos que lle dan nome.

Este itinerario é dun gran valor medioambiental, e pertence na maior parte do seu percorrido, á zona protexida da Rede Natura 2000.

É unha ruta chea de historia, na que atoparemos as antigas salgadeiras, fonte de riqueza e traballo do pobo durante séculos, e os restos arqueolóxicos de Adro Vello, situados a tan só 3 metros sobre o nivel do mar e no bordo da praia do Carreiro. Aquí a escavación mostrou, en capas superpostas, unha vila romana na que se atoparon vestixios de salgadura de peixe, unha necrópole, a planta dunha igrexa visigótica, e elementos dunha fortificación da Baixa Idade Media que servía de protección ante posibles agresores que chegasen por mar. A primitiva igrexa, debido aos frecuentes saqueos de piratas e aos golpes de mar, foi trasladada no s.XVIII a un lugar máis seguro, que é o que ocupa actualmente o templo de San Vicente.



XUNTA DE GALICIA

CONSELLERÍA DE MEDIO AMBIENTE
E ORDENACIÓN DO TERRITORIO



Proxectos subvencionados ao abeiro das axudas de apoio e accións na Rede Natura 2000



PR-G 115
Adro Vello
Lembranzas da Historia
Ruta homologada en 2009


Adro Vello - Lembranzas da Historia



Ruta sinalizada



1 mapa do percorrido
escala 1:8700





Lenda



Inicios da ruta PR-G 115
Adro Vello - Lembranzas da Historia



Ruta sendeirista



Estrada pincipal

Datos de interese

Concello do Grove: Telf.: 986 730 975
www.turismogrove.com
www.concellodogrove.com

Emerxencias: Tel.: 112 SOS - Galicia

MIDE		PR-G 115 Ruta de Adro Vello Lembranzas da Historia Concello do Grove	
Horario:	1 h 15 min.	Severidade do medio natural	1
Desnivel de subida:	33 m.	Orientación no itinerario	2
Desnivel de baixada:	70 m.	Dificultade no desprazamento	1
Distancia horizontal:	3,1 Km.	Cantidade de esforzo necesario	1
Tipo de percorrido:	lineal	PR-G 115 Mapas IGN 1:25.000: 184-II	
Paso obrigado preto do mar: Atención nenos. Condições de verán: Tempo estimado segundo criterios MIDE, sen paradas.			

Máis información: www.euromide.info

Pódese descargar gratuitamente o percorrido desta ruta para GPS na páxina
web: www.segatur.com

A Salgadeira da praia da Barcela

O poder conservante do sal sobre os alimentos frescos foi descuberto na Idade do Ferro. Os fenicios trouxeron ata estas terras a arte de salgar o peixe.

Os romanos, grandes apreciadores dos froitos dos nosos mares, promoveron este método de conservación co transporte de peixe e marisco ao resto do Imperio.

Ata o século XVIII a salga era un labor artesanal. As familias salgaban a sardiña nos seus fogares, mantendo o gusto natural deste peixe. A chegada dos fomentadores cataláns, transformou un traballo familiar nunha industria.

Os cataláns situaron as súas factorías situadas en enseadas abrigadas coa finalidade de ter un fácil acceso ás embarcacións de pesca.

Cos cataláns chegou a xávega, unha arte de pesca de orixe árabe, coa que non podían competir as artes tradicionais. Este método aumentou o consumo de sal, incrementando a recadación que a Facenda Pública obtiña do "ouro branco".

Dende finais do século XVIII ata mediados do XIX os almacéns de salga marcaron a economía na ría de Arousa, convertendo aos pescadores en asalariados.

O proceso da salga perde forza a finais do século XIX, deixando o camiño aberto a unha industria moi próspera nestas terras: as conserveiras.

